

Вечером 7 ноября

Изменяемое №1

На Го́споди воззва́х:

Стѹх: *Изведѹ из темни́цы ду́шу мою, испове́даться ѹмени Твоему́.*

Стѹх: *Менѣ ждѹт пра́ведницы, до́ндеже возда́си мнѣ.*

Стѹх: *Из глубины́ воззва́х к Тебѣ, Го́споди, Го́споди, услы́ши гла́с мой.*

Стѹх: *Да бу́дут у́ши Твоѹ внѣмлюще гла́су молѣния моего́.*

Стѹх: *А́ще беззако́ния на́зриши, Го́споди, Го́споди, кто́ посто́ит; я́ко у Тебѣ очище́ние е́сть.*

Глас 2: **Свѣтиши отечеству твоему всегда, славный Димитрие мучениче,/ якоже звезда светлая,/ покрываеши бо присно сие от па́губы врагов/ и избавляеши озлобления и бу́ри всякия;/ темже радостно приносит, летнюю память, блаженне, совершая,/ верою же и любовью поя Господа, ты прославльшаго.**

Стѹх: *И́мене ра́ди Твоего́ потерпѣх Тя, Го́споди, потерпѣ душа́ моя в сло́во Твое́, упова́ душа́ моя на Го́спода.*

Мучениче страсотѣрпче Христов,/ чудесы́ свѣтиши миру,/ якоже солнце, свѣте Димитрие./ Темже в памяти твоей наслаждаемся вси твоих чудес, блаженне,/ изрядная торжествующе верою./ Дерзновение убо имея,/ моли́ся ко Господу спасти от тли и скорбе́й рабы́ твоя.

Стѹх: *От стра́жи у́тренния до но́щи, от стра́жи у́тренния, да упова́ет Изра́иль на Го́спода.*

Копиями прободѣн в ре́бра,/ прободшаго ра́ди Спаса на Крестѣ ре́бра;/ Того бо уязвлѣнием/ любовью поревновал еси, страсотерпче Димитрие,/ явля́я всем непобедимое свидетельства твоего./ Темже и уязвлен гонитель низпадѣ,/ приѣм твоего искѹс испове́дания, страдальче Христов.

Стѹх: *Я́ко у Го́спода ми́лость, и мно́гое у Него́ избавлѣние, и То́й изба́вит Изра́иля от все́х беззако́ний его́.*

Глас 8: О, преславнаго чудесé!/ На Небесí и на землí радости/ днесь в памяти возсия Димитрия мученика./ От Ангел хвалáми венчается/ и от человек пения приемлет./ О, кáко пострадá!/ Какó дóбре подвизáся!/ Имже враг падé лукавый,/ Христу побéждшу того.

Стíх: *Хвалíte Гóспода всú язы́цы, похвалíte Егó всú лю́дие.*

О, преслáвнаго чудесé!/ Чудес светлостъмí, солнца светлéйше,/ присно Димитрий свéтит концém,/ от не вечерняго Света облистаемый/ и в незаходíмем Свете красúяся,/ егоже сияньми óблацы отгнáни быша вáрварстии,/ недúзи прогнашася/ и демони победíшася.

Стíх: *Яко утверд́ися мíлость Егó на нáс, и úстина Госпóдня пребывáет во вéк.*

О, преславнаго чудесé!/ Христа ради прободén треблаженный Димитрий,/ ко врагóм всегда яв́ися оружие обоудуóстрое,/ пожина́я врагов вышéния/ и низлагая дéмонская сверéпства./ Емуже возоп́им:/ святы́й Димитрие, покрый ны,/ верно почита́ющия тя от любвé всегда.

Слáва, глас 6:: Днесь созывает нас страсотерпца всемирное торжество./ Приидíte убо, празднолю́бцы,/ свéтло прáзднуим память его, глаголюще:/ радуйся, иже ризу нечестия раздрáв верою,/ мужеством же дúха себе обложív./ Радуйся, упраздн́ивый кознодéйства чуждáго,/ крепостию, данною тебе от Единого Бога./ Радуйся, иже прободénными удесý/ блаженную стрáсть Христову духóвне нам возживописáв./ егоже моли, страдальцев удобрение Димитрие,/ избавится нам видимых и невидимых враг/ и спасится душáм нашим.

И ны́не, Богорóдичен: Кто Тебе не ублажит, Пресвятая Дево;/ кто ли не воспоет Твоего Пречистаго Рождества;/ безлетно бо от Отца возсиявый Сын Единородный,/ Тойже от Тебе, Чистыя, пройде,/ неизреченно воплощýся,/ естеством Бог Сый,/ и естеством быв Человек нас ради;/ не во двою лицу разделяемый,/ но во двою естеству/ неслитно познаваемый./ Того моли, Чистая Всеблаженная,/ помиловаться душáм нашим.

<далее см. основной Чин>

Изменяемое №2

Паримии:

Пророчества Исаіина чтение (главы 63, 64):

Обратіся от небесѣ, Господи, и виждь от дому святаго Твоего и славы Твоея:/ где есть ревность Твоя и крепость Твоя?/ Где есть множество милости Твоея и щедрот Твоих, яко терпел еси нам, Господи?/ Ты бо еси Отец наш, яко Авраам не увѣде нас, и Израиль не познá нас,/ но Ты, Господи, Отец наш, избави ны, яко изначáла Имя Твое на нас есть./ Почтó уклонил еси нас, Господи, заблудіти от пути Твоего?/ Ожесточил еси сердцá наша, еже не бояться Тебѣ?/ Обратіся раб Твоих рáди, племén рáди наследия Твоего./ Да помáле наслѣдствим гóру святую Твою./ Протівницы наши попраша святыню Твою. Быхом яко от начала, егда не владѣл еси нами, ниже назвáся Имя Твое на нас./ Аще отверзеши небо, трѣпет приімут от Тебе гóры и растáются, яко воск от лица огня тáет./ И попалѣт огонь супостаты Твоя, и явлéно будет Имя Твое протівным Твоим./ От лица Твоего язýцы возмѣтýтся. Егда сотвориши славная, трѣпет приімут от Тебе гóры./ От века не слýшахом, ниже очи наши вѣдеша Бога, разве Тебе, и делá Твоя истинна, и сотвориши терпѣщым Тя милость./ Срящет бо милость творѣщыя правду, и пути Твои помянут./ И ныне, Господи, Отец наш Ты еси, мы же брѣние; и Ты Создатель наш, и делá рук Твоих вси мы./ Не прогнѣвайся на ны, Господи, зелó, и да не помянѣши во врѣмя грехов наших;/ и ныне прѣзри, Господи, яко людие Твои вси мы.

Пророчества Иеремиина чтение (глава 2):

Сіѣ глаголет Господь:/ помянѹх милость юности твоя и любовь совершенства твоего, еже последовати тебе Святому Израилеву;/ глаголет Господь Святый Израилев:/ Господу начаток рождений его, вси снѣдáющии его прегрешат, злая приидут на тѣѣя;/ глаголет Господь: услышите слово Господне, доме Иаковль и все отечество дóму Израилева./ Сіѣ глаголет Господь: кое обретóша отцы ваши во Мне прегрешение,/ яко отступѣша далече от Мене, и ходѣша в след суѣтных и осуетѣшася./ И не рекóша; где есть Господь, возведѣй нас

из земли египетския/ и путеволивый нас в пустыни, в земли сухой и неходней, в земли безводней и неплодней,/ и в сени смертной, в земли, по нейже не пройде когда муж, ниже вселися сын человек тамо./ И возведох вы на Кармил, еже ясти вам плоды его и благая его; и внидоште и оскверните землю Мою и наследие Мое положите в мерзость./ Иерее не реша: где есть Господь; и держащийся закона не ведеша Мя;/ и пастырие нечествоваху в Мя; и пророцы пророчествоваху Ваалом и в след непользных ходиша./ Сего ради еще возсудюся к вам, глаголет Господь, и к сыном сынов ваших возсудюся. Прейдите во острова Хеттим, и увидите, и в Кидар послите, и уразумеите вельм, и увидите, аще бяху таковая./ Аще изменят языцы боги своя, и сии не суть божи. Людие же Мои пременяша славу его, от неяже не примут пользы./ Ужасеся небо о сем и вострепета на мнозе зело,/ глаголет Господь.

Премудрости Соломоновы чтение (глава 4):

Праведник, аще постигнет скончаться, в покои будет. Старость бо честна, не многолетна, ниже в числе лет исчисляется. Седина же есть мудрость человеком, и возраст старости – житие нескверное. Благоугоден Богу быв, возлюблен бысть, и живой посреде грешник преставлен бысть. Восхищен бысть, да не злоба изменит разума его, или лесь прельстит душу его. Рачение бо злобы помрачает добрая, и парение похоти пременяет ум незлобив. Скончався в мале, исполни лета долга, угодна бо бе Господу душа его, сего ради потщася от среды лукавствия. Людие же видевше и не разумеюще, ниже положше в помышлении таковое, яко благодать и милость в преподобных Его и посещение во избранных Его.

<далее см. основной Чин>

Изменяемое №4

Лития *глас 1:*

Веселися в Господе, граде Фессалоники,/ радуйся и ликуй верою светлоодеявися,/ Дмитрия всеславного страдальца/ и свидетеля Истины в недрах имея, яко сокровище;/ насладися чудес, исцеления зря,/ и виждь низлагающа иноплемеников дерзости,/ и благодарно Спасу возопий:/ Господи, слава Тебе.

Пёсней красотою настоящий уясним день/ и возгласим мученика подвиги,/ предлежит бо нам во благохваление великий Димитрий./ Ибо дёмонская нахождения мужески погубив, к трізнищу усердно прииде,/ и победительная славно отнёс,/ Спасу мо́лится спастися душám нашим.

Глас 2: В премирная селения дух твой, Димитрие мучениче мудре,/ Христос Бог положи непорочно,/ ты бо Троицы был еси побóрник/ и в трізнищи мужески пострадал еси, яко адама́нт твёрдый,/ прободён же быв в ребра нетленная твоя, всечестне,/ подóбся на Древе Прободённому на спасение всего мира,/ чудес приял еси действо, человеком подай исцеления обильно./ Темже твое днесь успение прázднуем по достоянию,/ сла́вяще тя просла́вльшаго Господа.

Слава, глас 5: Стеце́мся верою и любовью,/ возопи́м прázднственная и воспле́щем руками вси/ в настоящее торжество первоначальника нашего,/ воинства Небесная да веселятся,/ и пробóдшагося за Прободённого копиём Царя Господа,/ и горды́ню Лиеву низложившаго дерзостне./ Да чудя́тся земля же и море/ светлаго светильника преславным зна́мением./ По до́лгу да восхвалят ю́нии юности обуздáтеля,/ в старости жезл, в бедáх предстáтеля,/ н́щии обогат́ителя, во благош́ествии строителя,/ спобóрника во́ини/ и в пуч́ине сплáвателя,/ со всеми своего твёрдаго побóрника, граде Фессалоники,/ моля́щся с́ице, рчем:/ преславне Димитрие, предвари́ и изми́ ны от всякия н́жды/ и спаси рабы́ твоя молитвами твоими.

И ныне, Богородичен: Востру́бим трубо́ю пёсней,/ преклонится бо свыше, Всецари́ца Мати Дева/ благословёнными венчава́ет воспева́ющая Ю./ Вернии людие да стеку́тся,/ и Царице да восплещут в песнях, Царя рождшей,/ смертью одержимыя пёрве разрешити человеколю́бно Благоволи́вшаго./ Па́стырие и уч́ителие,/ добраго Пастыря, Пречистую Матерь, сошедшеся, восхва́лим:/ свёщник златозáрный, светонóсный óблак,/ небёс Простра́ннейшую,/ одушевлённый кивóт, огнезра́чный Влады́чень Престо́л,/ манноприёмную злату́ю ста́мну,/ заключённую Слова дверь,/ всех христиан прибе́жище./ Пёсньми Богоглаго́ливыми похваля́юще, с́ице

рцем:/ Палáто Слова, сподóби смирénныя ны Небéснаго Царствия,/ ничтóже бо невозможно ходáтайству Твоему.

Изменяемое №5

По полиелéи седáлен *глас 8:*

Сияния чудéс, яко лучи, облистáеши/ и вся просвещáеши мира концы́, яко звезда пресветлая,/ и вéсело благовóнствуеши, якоже другíй рай,/ и дýши веселíши, и уставлáеши недýги:/ темже ты, всеблаженне, по дóлгу поём/ и любвию почитáем честnúю память твою, страсотерпче Димитрие,/ моли Христа Бога согрешений оставление/ даровати чтýщим любóвию святую память твою.

Слава, и ныне, Богородичен: Яко Деву и Едину в женах,/ Ты, безсéменно рождшую Бога плотию,/ вси блажím рóди челове́чести./ Огнь бо вселíся в Тя Божествá/ и, яко Младенца, дойши Зиждíтеля и Господа./ Тем, Ангельский и человеческий род,/ достойно славим пресвятóе Рождество Твое и соглáсно вопием Ти:/ моли́ Христа Бога согрешений оставлénие даровати/ поклоняющимся верою пресвятому Рождеству Твоему.

<далее см. основной Чин>

Изменяемое №6

Степенна, 1-й антифон 4-го гласа.

Прокимен *глас 4:* Дивен Бог во святых Своих, Бог Израилев. *Стих:* Святýм, íже суть на земли Егó, удивí Госпóдь вся хотénия Своя в них.

<далее см. основной Чин>

Изменяемое №7

По 50-м псалме стихира *глас 6:*

Днесь созывáет нас страсотерпца всемíрное торжество́./ Приидите убо, празднолю́бцы,/ свéтло прáзднуим память его, глаголюще:/ радуйся, рíзу нечéстия раздрáв верою,/ мýжеством же дýха себе обложív./ Радуйся, упразднívый кознодéйства чуждáго,/ крепостию дáнною тебе от Единого Бога./ Радуйся, иже прободénными удесý/ блаженную страсть Христову духóвне нам возживописáв./ егоже моли́, страдальцев удобрénие Димитрие,/ избáвиться нам видимых и невидимых враг/ и спастísя душáм нашим.

Канон трясения **глас 6****Пѣснь 1**

Ирмос: *Яко по сѹху пешешествовав Израиль,/ по бѣздне стопáми,/ гонителя фараона/ видя потопляема,/ Богу победную песнь, поѹм, вопияше.*

Яко страшен гнев Твой,/ от негоже нас избавил еси, Господи,/ не погрѣб в землѣ все движѣние наше./ Тем благодарственно Тя прѣсно слáвим.

Рáдуясь нашему всегда всеконѣчному исправлѣнию, Владыко,/ якоже лист худ, колѣблеши всю землю,/ в страх Твой вѣрный утверждая, Господи.

Избáви трѹса тяжчáйшаго вся ны/ и не даждь, Господи, погѣбнути всеконѣчно наслѣдию Твоему,/ многими прогнѣвававшему злѣими Твое долготерпение.

Богородичен: *Рáбски Тебе вопиѣм,/ Мати Божия, обѣчныя милости Твоя на град и люди милостивно показѹющи,/ трѹса тяжчáйшаго и тли нас измени.*

И святаго два канона:**Песнь 1**

Ирмос: *Моря чермнѹю пучину/ невлажными стопáми/ древний пешешествовав Израиль,/ крестообразныма Моисѣевыма рукама/ Амалѣкову силу в пустыни победѣл есть.*

Божественным мучѣния венцѣм увязѣн,/ при Бозе ликѹеши,/ блистáнии отонѹдными сияя и просвѣщения исполняем,/ великомучениче досточѹдне.

Яко сѹща Истины свидетеля,/ и дáже до крѹве подвѣгшася, блаженне, терпелѣвно;/ твѣрдо же противлѣние к мучителем показáвша,/ тя Владыка прѣят.

Злѹбы обретáтеля низложѣл еси на землю, Димитрие,/ мученическим твоим копѣем убив,/ Божественною блáгостию, пáче умá силою, на сие, блаженне, укрепляем.

Богородичен: *Безмáтерен якоже Бог пѣрвее Сый,/ бысть еже по нам Безотчий из Тебе, Богородице Всепетая,/ плоть прѣем по единению,/ еже пáче слѹва и разума.*

Песнь 1

Ирмос: Колесницегонителя фараоня погрузи,/ чудотвори́й иногда,/ Моисейский жезл, крестообразно порази́в/ и раздели́в море,/ Изра́иля же беглеца́, пешехо́дца, спасе́,/ песта Богови воспевающа.

Мира благово́нна и че́стна, Димитрие,/ отве́рзены́й источниче,/ страсте́й скве́рны сердце мое омы́й/ и, добродетелей деянием благово́ние мя показав Христово,/ ум мой облагодáтстви,/ благодати твоя Божественныя пѣти.

Воды́ живы́я ре́ки/ истека́ти от чрева верных,/ Слово Божие глаголет./ Темже твоего проливаются мира исто́чницы приснотеку́щи,/ ихже стру́й веселят Божий град,/ славящий мученическое дерзновение твое.

Жезл убо дрéвле Моисеев,/ уда́рив камень в земли́ пустынной,/ отве́рзе стру́й рек многоте́чныя;/ тело же твое, Димитрие, прободѣнное копие́м,/ мира источник показа́,/ новаго Израиля прохлажда́ющее.

Яже убо имаши воздая́ния, Димитрие,/ мученических твоих язв,/ ниже́ око ви́де, ниже́ ухо слы́ша;/ ныне же мира море, воздая́ния чистоты́ проливаеши мира концем,/ страсти душ очищающее.

Богородичен: Пренескве́рно приятелище, Всечистая,/ Слово обрѣт Тя Божие,/ в Твоя вселі́ся ложесна́:/ и еже из Тебе прия́тие помáзав Своим Божество́м,/ Един прѣйде от двою́,/ и истощѣнное миро нарече́ся,/ Христос бо Бог же и Человек.

Песнь 3

Ирмо́с: Несть свят,/ якоже Ты, Господи, Боже мой,/ вознесы́й рог верных Твоих, Блаже,/ и утверди́вый нас на ка́мени/ испове́дания Твоего.

Земля уязвля́ется, нам зле залежа́щим,/ и присно гнев Твой сподвиза́ющим на ны, Щедре Всецарю́,/ но пощади́, Владыко, рабы́ Твоя.

Стряс, Господи, землю, утверди́л еси па́ки,/ наказу́я и обращая не́мощь нашу,/ утвержда́тися Твоим Божественным страхом хотя́, Преблагі́й.

Рождшаго смерть горькую,/ и трýсы тяжча́йшия, и я́звы нестерпи́мыя,/ грехá, братие, убежим/ и Богу покаяния о́бразы угоди́м.

Богородичен: Еди́на сýщи Благáя,/ Преблагое Слово умоли́ приле́жно,/ настоящего трýса всем избавитися и гнева,/ Богородице Чистая, мо́лимся.

Ин Ирмос: *Весел́ится о Тебе Церковь Твоя, Христе, зову́щи:/ Ты моя крепость, Господи,/ и прибе́жище, и утверждение.*

Вмени́ся в ничтоже мучителей от Тебе повеление;/ Слово бо Божие па́че всех, страсотерпче,/ предчествовал еси́.

Свещник светови́ден мучения в ски́нии был еси,/ Божественным Светом сия́ющ,/ мучениче страсотерпче Димитрие.

Врачевáний ты источник священный и дивный,/ град твой и сокровище некра́домо стяжа́в,/ всяким веселием обогати́ся.

Богородичен: Врачу́я образ истлевший земных, Пречистая,/ сим из Тебе облачи́тся,/ пребы́в я́коже бе Человеколюбец.

Ин Ирмос: *Небеснаго крúга Верхотворче Господи,/ и Церкви Зижди́телю,/ Ты мене утверди́ в любви Твоей,/ желаний кра́ю, верных утверждение,/ Едине Человеколюбче.*

Родився с Небес от Бога,/ был еси Божественных благ наслéдник,/ сын нарица́емь, снаслéдник Христов,/ царствуеши же с Ним,/ миро бо о́браз сего, Димитрие.

Вкорени́вся, я́коже дре́во Давидски, славне,/ при исходящих вод,/ вели́к воздал еси мучения плод и ныне источник показался еси мира,/ проходя́щ, земли́ концы.

Почерп благодать Христову,/ ребра́ с Кровию источившаго во́ду,/ кровь изли́ял еси твою, Его ради пробóдся;/ и ныне, яко во́ду, проливаеши сердца́м благовонное миро, Димитрие.

Богородичен: Священнии Твои сосúди душевнии, Пречистая,/ по́лны аромáт и мира Божéственного Дúха, нашедшаго на Тя,/ ибо Бога рождши, верныя измени́ла еси от зловóния страстéй.

Конда́к трясения, глас 6: Избави трýса тяжкаго всех нас, Господи,/ и язвы нестерпимыя грех ра́ди наших./ Пощади́, Господи, Православныя люди Твоя,/ яже стяжал еси Твоею Кровию,

Владыко;/ и град не предаждь в погибель трусом страшным,/ иного бо, разве Тебе, Бога не вемы./ И воззови поющим:/ Аз есмь с вами, и никтоже на вы.

Седален мученика, глас 4: Яко доблему страдальцу/ и воину крепку Всецарюющего Христа,/ взываем псаломски:/ радуйся, мучеников украшение и лепота;/ радуйся, светлая Церкви звездó/ и стенó, и пристанище прибегающих к тебе,/ великомучениче славне Димитрие,/ ты поющая спасай/ от всякого вреда чуждáго и озлоблénия вся.

Слава, и ныне, трясения: Согрешивши Тебе много не презрél еси,/ но, наказáв, милостивно испрáвил еси;/ Божественным призиráнием Твоим потряс землю, Владыко Долготерпелíве,/ никакоже повредíв вся рабы Твоя за милосердие многое./ Тем благодарственными Тя глáсы славословим/ и со страхом славим.

Песнь 4

Ирмос: Христос моя сила,/ Бог и Господь,/ Честная Церковь/ боголепно поет, взывающи,/ от смýсла чýста, о Господе прáзднующи.

Колéблеши, Господи, землю,/ хотяй страхом истинным всем нам, Владыко, утверждáтися,/ колéблемым прилóги льстíваго борца́.

Божественным мановénием Твоим колéблеши всяческая/ и ужасаеши сердца́ на земли живущих, Владыко;/ праведнаго убо Твоего гнева ослаби, Господи, вóлны.

Ника́коже имúщия во умé страха Твоего,/ устрашаеши двизáнием всея́ земли, Едине Милостиве,/ но обычно на нас милости Твоя удивí.

Богородичен: Храм Тя, Владычице, Божий véдяще,/ во святéй храме Твоем рúки умильныя поднóсим на моление;/ виждь озлоблénие наше и подаждь помощь.

Ин Ирмос: Вознесéна Тя видевши Церковь на Крестé,/ Солнце Праведное,/ ста в чýне своем,/ достойно взывающи:/ слава силе Твоей, Господи.

Победившаго лжу нечестия,/ Божие Всевысочайшее видев Слово,/ славою венча́ тя, Димитрие, пою́ща:/ слава силе Твоей, Господи.

На лєсть побєду возставив,/ побєдительный венец правды приял еси, Димитрие,/ зовѣ Зиждителю твоему:/ слáва силе Твоей, Господи.

Направляем длáнию жизнóсною,/ к пристанищем достигл еси тишáйшим,/ идéже, ныне радуясь, зовєши, Димитрие:/ слáва силе Твоей, Господи.

Богородичен: Яко твáрей всех Свящénнейшая,/ Мати Бога быти Едина сподóбилася еси,/ Сего бо рождши,/ мир благодатию Богознания просветíла еси.

Ин Ирмос: Ты моя крепость, Господи,/ Ты моя и сила,/ Ты мой Бог, Ты мое рáдование,/ не оставь недра Отча,/ и нашу нищету посетív./ Тем с пророком Аввакúмом зовú Ти:/ силе Твоей слава, Человеколюбче.

Сквѣрну всяку отверг рождения банею порождéния,/ чистоту, явился еси, соблюдая дáже до кончины./ Темже Христос тебе, Димитрие,/ естественную вла́гу претворяет в мíро,/ якоже и вóду в вино преложí.

Якоже огня естество всему преподаётся,/ дѣлу спасающ силу;/ тако твое миро, страдальче, всеми убо почерпáется,/ обаче же пребывает неумáлено./ Темже ныне благочéствующим, покланяющєся, поем Бога,/ Иже благодать тебе дадé.

Кто слышаны Твоя хвалы сотворíт, Христе Слове,/ вíдя Твоя благодати, яже страдальцем Твоим пóдал еси;/ Димитрия бо се миро мученика,/ яко источник, убо истекает,/ благовóние же дышет и разоряет зол омрачéние.

Напаяше убо источник, от земли восходящий,/ пѣрвее, нѣже одождити все сея лицé,/ ты же сокрывся, мучениче, под зéмлю,/ источник явился еси благовонна мира, Димитрие;/ кóпий бо множество отверзóша жíлы/ и ныне мира напояєши концы.

Богородичен: Невесту Божию Тя и Матерь вéмы, Богородице,/ Тебе бо, яко миродохновénный шíпок, обрет Слово Божие, цветущ во удóле смирением человечестве,/ возжелé Твоея добрóты,/ из Тебе Плотонóсец прошед, верный облаговóнствовалаше.

Ирмос: Божиим светом Твоим, Блаже,/ утренующих Ти дѹши, любовию озарѹ,
молюся,/ Тя вѣдети, Слове Божий,/ Истиннаго Бога,/ от мрака греховнаго
взывающа.

И ты, сердце, поколеблѣся ныне,/ вѣдя Божіе прещение
належащее, и возопий:/ пощади люди Твоя, Владыко Господи,/ и
устави праведный гнев Твой, Благоутробне.

Люди и град, яже Твоею кровию стяжал еси, Иисусе,/ не предаждь
в гибель,/ во еже смущатися землѣ трѹсом страшным,/ лик
апостол мо́лит Тя.

От путѣй Твоих, Владыко, правых/ нравом уклѣншеся
развращѣнным,/ в негодованіе преложихом Тя, Милостиваго и
Непамятозлѣбнаго,/ но милостив и щедр бѹди Твоим рабѣм.

Богородичен: Ныне по́мощи приѣде время,/ ныне пременѣнію
потреба, Чистая,/ к Сыну Твоему и Господу,/ яко да ущѣдрит
согрѣшшая ны/ илежащаго гнева избавит.

Ин Ирмос: Ты, Господи, мой/ свет в мир пришел еси,/ Свет Святыи, обращаѹ
из мрачна невѣденія/ верою воспевающія Тя.

Огнь любвѣ Божественныя в сѣрдцы приѣм,/ огнь угасѣл еси
безбожнаго идолонействовства,/ славне Димитрие.

Избавляя ны от бед, явися, Димитрие,/ молитвами твоими
покрывая/ верою и любовію восхваляющій тя.

Иже верою к твоему усердно притекающе храму, Димитрие,/
недѹгов и страстѣй душетленных/ вскоре избавляются.

Богородичен: Слово Божіе, Отцу Единосѹщенное,/ Твой бывает,
Богомати, паче ума же и слова, Сын,/ Тебе Единосѹщен.

Ин Ирмос: Вскѹю мя отрѣнул еси/ от лица Твоего, Свете незаходимый,/ и
покрыла мя есть чуждѣя тьма, окаяннаго;/ но обрати ня и к свету заповѣдей
Твоих/ пути моя направи, молюся.

Был еси прѣтелище с Небес Снизшедшаго за милость,/ якоже
дождѣ или капли, каплющія крѣтко,/ упоѣл еси таинственными
дарованіи/ и ныне из гроба мира источник тѣчиши, Димитрие.

Страдальцем, якоже закон, всякія мирскія обнажѣвся любве,/
упитѣлся еси, мучениче, елеем благодатей Духа./ Победив же тьмы
начѣла,/ мзду пріял еси точѣти миро сладковѣнное, Димитрие.

Шіпок явился еси, процветій внутрь зланика Господня,
Димитрие,/ обгрён кровию мучения и ранами сечений,/ и болезнями
страдальческими, и разжжением пещи,/ и ныне миро источаеши
приснотекущее.

Се паки зрится Божественный ковчег храм мученика,/ идеже
свещник внутрь, гроб, носяй миро и елей,/ егоже окрест разыграим
духовно,/ и, ликующе, восхвалим великаго Димитрия.

Новый якоже Илия, ревностию уязвлен Христовы любве,/ царя
обличаеши и тебе самага предавши на смерть./ Обаче живёши, и
еще мира источник показав гроб,/ якоже скудельник елея неистощён.

Богородичен: Написует Твое, Дево, древле таинство,/ поя праотец
Твой,/ Царёвы Дщере слава вся внутрьуду,/ иже и Тя прославив, яко
Блаженную человеком./ Радуйся, мира всего воззвание.

Песнь 6

Ирмос: Житейское море,/ воздвигаемое зря напастей бурю,/ к тихому
пристанищу Твоему притек, вопию Ти:/ возведи от тли живот мой,/ *Многომилостиве.*

Не имуще, Владыко,/ дерзновения молиться, смиреннии, высотё
Твоей,/ избранныя Ангелы Твоя в теплую подвижаем молитву./ Тех
ради гнева Твоего изми ны.

Ныне познахом, Господи, яко восхотел еси нас,/ и никакоже
покрыл еси под землю с согрешении лютыми/ многосогрешившия./
Тем Тя благодарно славим.

Повелеваеши колебаться основанием землі,/ яко да мы
престанем, смиреннии, колебаться/ добродетелей лучшаго стояния/
и страхом Твоим, Слове, утвердимся.

Богородичен: Святая Богоневесто, недоумённые ныне люди ущедри/
и матерними Твоими молитвами,/ еже на ны Божие негодование
претвори вскоре, молим Тя.

Ин Ирмос: Пожру Ти со гласом хваления, Господи,/ Церковь вопиёт Ти,/ от
бесовския крове очищися,/ ради милости от ребр Твоих/ истекшею Кровию.

Согласно сошедшеся, поём славную и светно́сную твою память,/ *и чудес полную,/ и дарований Святаго и Честна́го, всеблаженне, Духа.*

Разрешї моя плєніцы согрешєний молитвами твоими,/ яко бо непобєдим мучєник дерзновєнїє їмаши ко Владыцє,/ и буди ми прибежище и покров, Димитрие.

Богородичен: Чїсту Тя посреде тернїя обрѣт, яко чистѣйшїй крин/ и удѣльный цвєт, о Богомати!/ Жєних во утробу Твою Слово всєлися.

Ин

Ирмос: Очисти мя, Спáсе,/ мнѡга бо беззаконїя моя,/ и из глубинѣ зол возведѣ, молюся;/ к Тебє бо возопѣх, и услыши мя,/ Боже спасєнїя моего.

Прощел еси духовно, якоже мáслина плодовїтая,/ и копиєнѡсными рукáми нѹждно изгнетѣся./ Верных же утешáєши,/ миро нынє точá из Божественнаго грѡба твоего, Димитрие.

Пчелѣ ѡбразом тебє самáго/ дєлателя всякїя показал еси Боготворныя добродєтели,/ дѹшу, блаженне, непорочну, яко сѡтову телесї, соблюдая,/ и миро нынє источаєши, усладѣющее дѹши.

Возлюбил еси от дѹшї Христа,/ и Семѹ последовал еси к миру благовонїя,/ и Сего причастилсѣ еси срастворєнїем лучшим./ И нынє мира струї тѡчиши непрестáнныя, Димитрие.

Кáпли страдальческих на землю кровѣй твоих каплюще,/ благовонїя источник мира тѹю соделаша./ И нынє сїє непрестанно/ почерпáющим источáєши, Димитрие.

Пѡтом твоих, мудре, кровѣй облія́н,/ якоже ин новы́й источник рѣчно,/ требующим богато подаєши во исцєленїє твое миро,/ блаженне, усérдно приходящим.

Богородичен: Зряще златовидный свєта Свѣщник неугасїмый,/ мнѡжеством грехѡв дѹши омрачївши, пристѹпим;/ даѣт бо просвещєнїє/ и всякое отгоняет омрачєнїє.

Кондак мучєника, глас 2: Кровѣй твоих струя́ми, Димитрие,/ Церковь Бог обáгрї,/ дáвый тебє крепость непобєдимую/ и соблюдая град твой невредїм;/ того бо еси утверждєнїє.

Икос: Сегѡ великаго всї воспѡйм, сошедшєся верѡю,/ яко ору́жника Христова и мучєника, Димитрия,/ в пѣснєх и пєнїих совзывáюще Владыцє и Зиждїтелю всєлєнныя:/ избави ны трѹса и нѹжды, Человєколюбче,/ молитвами Богородицы и всех святых мучєников

Твоих./ На Тя бо вси надеемся избавитися бед и скорбей,/ Ты бо еси наше утверждение.

Песнь 7

Ирмос: Росодательну убо пещь/ содела Ангел/ преподобным отроком,/ халдеи же опаляющее веление Божие мучителя увещá вопíti:/ благословен еси, Боже отец наших.

Препёт еси, Господи Долготерпеліве,/ яко не уморіл еси рабов Твоих трұсом и колебанием страшным землі,/ но устрашил еси, ищай обратитися от зол, и жити всем нам.

Стенание от сердца воспұстим и слёзы пролием,/ яко да милостива Владыку обрящем Христа,/ сокрушити трұсом вся ны за умножение грехов претяща нам.

Увы, воззовем, и рұце воспрострём к Богу Высочайшему,/ и престанем прόчее творіти злое;/ се Спас, негодұя, колеблет всю землю, утвердити хотя ны.

Богородичен: Призри, Чистая, и спаси вся поющия Тя,/ потребітися имұщия во гневѣ Божии,/ и яростию великою и страшною ныне нашедшаго прещёния,/ за множества многих грехов наших.

Ин Ирмос: Впещі Авраамстии отроцы персідстей,/ любовию благочестия пáче,/ нежели пламенем опаляеми, взываху:/ благословен еси в храме славы Твоея, Господи.

Преукрашен Божественною славою и благодатию,/ мучениче стратотерпче, сияеши световидно и просвещаеши зовұщия:/ благословен еси в храме славы Твоея, Господи.

Яко багрянцею, украшен твоею кровию, имея вместо скиптра, славне, Крест;/ со Христом царствуеши ныне, мучениче Димитрие,/ благословен еси, зовый, в храме славы Твоея, Господи.

Богородичен: Препрославленная, Просвещённая, Мати Дево,/ вся, чтущия Тя Всеистинную Богородицу, ограді;/ благословена Ты в женах, Всенепорочная Владычице.

Ин Ирмос: Отроцы еврейстии в пещі/ попрáша пламень дерзновенно,/ и на рóсу огонь преложіша, вопиюще:/ благословен еси, Господи Боже, во веки.

Воду почерпсті Исáия жаждущим, Димитрие, предповелевает./
Аще бы видел твой гроб, возопіл бы всяко:/ мира источнику
приходіте и почерпíte спасение.

Землі убо порód был еси,/ вселился же еси в землі кротких,/
идеже вода сладости;/ еяже напився в сытость,/ мира источник
присный ныне, Димитрие, проливáеши.

Возра́сл еси, яко розгá в винограде,/ пребывая неотсéчен Богу и
совокуплén;/ и Сего исполнився тúка неизреченнаго,/ миро, яко
струй, всем ныне, Димитрие, тóчиши.

О, новых твоих борéний! О, странных мученических страданий!/
Твоя бо пóты, за Него проли́яныя, блаженне,/ Христос при́йм,
источник мира тя показúет.

Струю́ мира твоего проливая,/ вéлию пучíну простерл еси чудес,/ и
душ, и телес недúги потопляеши,/ и напáстей, Димитрие, всяку
бурю усповúя.

Богородичен: Млекóм питала еси, Дево,/ Плотно́сца, Твоего Бога
рожденнаго,/ яко да болезнь Адамову сущую во áде облегчít,/ от
древа снédша знания, и заповеди преслúшавша.

Песнь 8

Ирмос: Из пламене преподобным рóсу источíл еси/ и праведнаго жертву водою
попалíл еси;/ вся бо творíши, Христе, токмо еже хотéти./ Тя превозносим во вся
веки.

Праведному Твоему семú гневу, Человеколюбче,/ нашédшу
внезапно, смутíхомся/ и отчáянием всеконечным объ́яхомся,/ негодováвша на ны зряще Тебе.

Возпрострém рúки, вернии,/ и óчи к Единому Владыце, спасти
могущему, зовуще:/ Христе, ярость Твою отврати от нас вскоре,/ Человеколюбец сый.

Ты́сящи Ангел, мучеников сословие,/ пророк и апостолов,
преподобных, иерархов святы́й лик/ мо́лит Тя, Владыко:/ пощади́
люди Твоя смиренныя.

Вéдый, Ще́дре, нéмощь нашу,/ и удобопоползновénное всех и
неисправленное,/ ослаби гнев, и смущение утíши,/ Твоею милостию
ущéдри мир.

Богородичен: Мѣлостивая Богородице,/ Мѣлостиваго рождшая Спаса,/ виждь озлоблѣние и стенание людей Твоих,/ и ускори умоли́ти, еже ущѣдрити ны.

Ин Ирмос: Ру́це распростер Даниѣл,/ львов зия́ния в ро́ве затче́:/ о́гненную же силу угаси́ша, добродетелию препоя́савшеся,/ благочестия рачи́тели/ о́троцы, взывающе:/ благословите вся дела Господня Господа.

Омрачи́л еси весь вражий гнев, славне,/ и, борѣния неотъемлемою силою Христа облече́н/ и победоносец быв, мучениче Димитрие, вопиял еси:/ благословите вся дела Господня Господа.

Мучеников благостояние показáв,/ мучеников благозвание, мучениче, наследовал еси;/ банею омы́вся святою,/ яже вторыми не оскверняется греховными прило́ги,/ копи́ем прободáем, и зовы́й:/ благословите вся дела Господня Господа.

Чудес твоих множество, паче ума дарова́ний,/ ихже тебе подаде́ Христос, всем показу́ет, славне,/ и благодать исцелений, яже па́че сло́ва,/ я́ве твою благодать проповѣ́дает нам, вопи́ющим:/ благословите вся дела Господня Господа.

Богородичен: Едину во всех родѣх, Деву Матерь и Богородицу Чистую, песносло́вим:/ Та бо спасения нашего Ходáтаица,/ яко мира Избáвителя, Слово рождшая, Емуже вопи́ем:/ благословите вся дела Господня Господа.

Ин Ирмос: Седмери́цею пещь/ халдѣ́йский мучи́тель,/ Богочестíвым не́истовно разжже́,/ силою же лучшею, спасены́ сия виде́в,/ Творцу и Избáвителю вопи́ающе:/ о́троцы, благословите,/ священницы, воспойте,/ людие, превозносите во вся веки.

Да Бог явлѣ́нна/ сотворит тя сущим в мире, Димитрие,/ негаси́му свещу́ душевную сохрани́ша,/ елеем дея́ний умаще́ну всегда,/ и, яко черто́га, тебе отверзо́шася двѣри,/ приснотеку́щ источник тя мира Божественнаго показу́ет,/ возмѣ́зди́е чистоты́ сию́ да́я благодать.

Не из крове́й, якоже рече́ честное́ Евангелие,/ ниже́ из по́хоти плóти, Димитрие,/ Богом же родился еси,/ Воплощеннаго почита́я Бога;/ кровь же усердно Того ра́ди твою исто́щив,/ восприял еси свы́ше чудесную благодать,/ источáеши Божественное миро, ду́ши благоухáй.

Ты лѣствица явился еси одушевленная,/ на земли убо утверждѣнная стопами плоти,/ до Небес же досягающая;/ Богом бо обогатился еси, утвержденным, мучениче, в тебе./ Столп же явився,/ помазан елеем подвигов мучения,/ и ныне источаеши/ верою приступающим источник Божественного мира.

Тя рекѹ прописѧ Божию наводнѣну,/ поя Давид пророчески, Димитрие;/ се бо неистощаемо прихождение мира твоего./ Тем и множество рек, наводняющееся,/ гласы своя возвышают,/ руками же плещут/ в славу сими всеми прославльшаго тя Бога.

Господь Един Трисвятѣй,/ Ты, Боже Всемощнейше, егоже Богослѡвствуяй страдалец Димитрий в темницѣ заключается,/ и с скорпѣею чувственною змѣя уморѣв мысленнаго,/ и гордыню Лиеву низложив чрез Нѣстора Божественнаго,/ копѣем прободѧется,/ и миро ныне из гроба тѡчит.

Богородичен: За Адама – Господь, за Еву – Ты, Всечистая,/ Гавриил же – за лъстивнаго змѣя,/ Крест же – за древо, вертоград гроба-вместо Едѣма,/ радуйся – вместо печали,/ копѣе – вместо пламеннаго оружия,/ и багрянѣца – вместо смоковнаго лѣствія:/ Тя убо поем, Отроковице, яко всех винѡвну.

Пѣснь Богорѡдицы: Величит душѧ моя Гѡспода: *<см. основной Чин>*

Песнь 9

Ирмос: Бога/ человеком невозможно видети,/ на Негоже не смѣют чѣни Ангельстии взирѧти:/ Тобою бо, Всечистая, явился человеком/ Слово Воплощенно,/ егоже величающе,/ с Небесными вои,/ Тя ублажаем.

Се вси мы согрешихом,/ и страшно убо земля, не согрѣшии, мучится;/ наказуя бо нас, Человеколюбец всю тѹю колѣблет;/ приѣмем чувство/ и о спасении своем попецѣмся.

Часѡв и лет сый Господь,/ в едином мгновении ѡка восхотев стѣрти рабы Твоя,/ от многаго же благоутробия Твоего, Владыко, возбранѣлся еси./ Благодарим Тебе, безответнии мы,/ Едине Человеколюбче.

Тру́са, мечá, горькаго пленения,/ и языческаго, Христе, нашествия,/ паде́ния, и гла́да, па́губы, и озлобле́ния всякаго ина́го, Щедре,/ избави град Твой и всяку страну́,/ верно песносло́вящую Тя.

Земля́ безъязы́чне вопи́ет, стеля́щи:/ почто́ мя злыми оскверняете многими, вси человецы?/ Вас бо Владыка щадя́,/ едину мене́ уязвля́ет./ Приими́те чувство и покаянием Бога уми́лостивите.

Богородичен: Тли в рождестве не при́мши,/ тления, Дево, измени́ вся ны,/ и тру́са тяжча́йшаго, и ско́рби,/ утоляючи Владычнее негодова́ние/ Твоим матерним пременением, Богора́дованная.

Ин Ирмос: Ка́мень нерукосе́чный/ от несекóмыя горы́, Тебе, Дево,/ краеуго́льный отсече́ся,/ Христос, совокупíвый разстоя́щаяся естества;/ тем, веселя́щися, Тя, Богородице, величаем.

Раздери́ у́зы прегрешений тя поющих, страстотерпче,/ уста́ви страсте́й прило́ги,/ молву́ разори ересей/ и напáстей утиши́ бу́рю молитвами твоими.

Направи к стезя́м пра́вым Небеснаго Царствия/ священнейшую твою па́ству, венцено́сче мучениче Димитрие,/ на па́жить спасительную, на место вечное.

Да венце́в славы и Небеснаго Царствия получения/ поющим тя сего уллучи́ти моли́, мучениче Димитрие,/ Жизнодавца Господа и Царя Сил.

Богородичен: Яко корень, источник и вину́ нетления Тя, Дево,/ вси вернии, надею́щися, хвала́ми почитаем;/ Ты бо Ипостáсное нам Безсмертие источи́ла еси.

Ин Ирмос: Ужасе́ся о сем Небо/ и земли удиви́шася концы́,/ яко Бог явися человеком плóтски,/ и чрево Твое бысть пространнейшее Небес;/ тем Тя, Богородицу,/ Ангелов и человек чиноначалия величают.

Приём твой алава́стр душевный, добродетелей Божественнаго мира испо́лнен,/ имея же Христа, прекло́нша тебе, мучениче, главу́,/ яко упоко́ившася жити́я твоего свѣтлостию чистоты́./ Тем ублажился еси и благодати испо́лнился еси, мироточи́ти мира концём.

Се ожидающих тя воздая́ний неизрече́нных светлая проображе́ния,/ се источник мира приснотеку́щаго, о страдальче!/ Богу убо предсто́я со дерзновением мученическим,/ во́инству нашему испроси́ на враги победу,/ и мир стране неотъёмлем.

Образом Креста Победотворца/ победил еси Лиево суровство,/ и победителя Нестора, и сострадальца поставив;/ и ныне всяк язык варварский работен покорі православным,/ содействуя, свѣинствуя, укрепляя,/ величаяй земныя концы Димитрие.

Тѣплою от сердца любовью/ к твоему честному ковчегу прибегающия, мучениче Христов,/ миро проливающему реками,/ твоими молитвами избави дел душетленных/ и потопа страстей злосмрадія;/ обоняния же покажи сия Господу благовѣннейша.

День радости духовныя совершаем, Димитрие,/ видяще мира твоего непрестанно точащ источник./ Ты же страстей омрачение разоряя,/ яко Божественнаго исполнен света,/ яко во дне давай ходити благообразно,/ Божий же видети Свет неприступный.

Богородичен: Ты, Всечистая, златая голубица еси,/ яко сущѣ масличный, носящая Слово Божие,/ помазавшее плоть Свою елеем Божества./ егоже в сердцах, яко ковчег, прием страдалец,/ из гроба миро точит, и умащает верных лица.

<далее см. основной Чин>

Изменяемое №9

Светилен:

Крестом вооружил еси Нестора,/ чрез онаго Лиеву разорив гордыню, Димитрие,/ на трізнищи, якоже Христос, отверзаеши копием ребра твоя,/ имиже стадо твое храни.

Слава, и ныне: Господи, призираяй на землю с небесѣ/ и творяй всю трястися,/ избави ны от труса Богородицы молитвами,/ Юже даровал еси Христианом Предстательницу.

<далее см. основной Чин>

Изменяемое №10

На стиховне стихіры глас 2:

Земли смущаемей гнева Твоего страхом,/ холми и горы трясутся, Господи,/ но благоутрѣбія оком на ны призрев,/ не яростию Твоею прогневайся на ны,/ но умилосердився на дела рук Твоих,/ страшнаго ны прещенія труса свободи,/ яко Благ и Человеколюбец.

Стих, глас 6: Призираяй на землю/ и творяй ю трястися.

Страшен еси, Господи,/ и кто стерпит праведнаго Твоего гнева,/ или кто Тя умолит, или кто укротит, Благий,/ о людех согрешивших и

отча́явшихся? Небеснии чѣни, Ангели, Нача́ла и Вла́сти,/ Престо́ли, Госпо́дства, Херувими и Серафими/ о нас Тебе вопи́ют:/ Свят, Свят, Свят еси, Господи,/ дел рук Твоих не прѣзри, Блаже,/ за утробы милости спаси́ град бѣдствующий.

Стих: Стрясл еси землю/ и смути́л еси ю.

Ниневѣтяне согрешений ра́ди/ тру́сом прещѣния погѣбель слы́шаху,/ в сре́дственном же зна́мении кѣта,/ чрез воста́ние Ионы, покая́ние умоляет./ Но яко о́ныя вопль людей Твоих со младенцы и скоты́, ущѣдрив, при́ял еси,/ и нас, наказу́емая,/ триднѣвнаго ра́ди Воста́ния пощади́ и помилуй.

Слава, и ныне, глас 8: Имеет убо Божественнейшая твоя душа́ и непоро́чная,/ приснопа́мятне Димитрие,/ Небесный Иерусалим жили́ще,/ егоже стѣны пречистыма рука́ма Невидимаго Бога живописа́шася./ ѣмать же всечестно́е, и многострада́льнейшее твое тело/ преизря́дный сей храм на земли,/ сокрови́ще некра́домое чудес и недугов врачевство́,/ иде́же притека́юще, цельбы́ почерпа́ем./ Соблюди́, всехвальне, тя величающий град/ от противных прираже́ний,/ дерзнове́ние я́ко имѣя ко Христу, ты прославльшему.

<далее см. основной Чин>

Утром 8 ноября

Изменяемое №11

По 1-м стихослoвию седа́льны *глас 4:*

Димитрия днесь страсотѣрпца/ праздник соверша́ем благочестивомудренно,/ яко Христу непрестанно моля́щаяся/ всем дати мир и милость.

Сла́ва, и ны́не, Богоро́дичен: *<далее см. основной Чин>*

Изменяемое №12

По 2-м стихослoвию седа́льны *глас 4:*

Па́мь тво́я, сла́вне мучениче Димитрие,/ уясни́ днесь Церковь Христо́ву/ и вся собра́ пѣсньми достойно восхвали́ти тя, Богомудре,/ я́ко ѣстинно во́ина и врагов потребите́ля./ Темже мольба́ми тво́ими изба́ви ны от искуше́ний.

Сла́ва, и ны́не, Богоро́дичен: *<далее см. основной Чин>*

Тропарь глас 3:

Вели́ка обрѣте в бедáх/ ты побóрника вселénная, страсотѣрпче,/ язы́ки побежда́ющая./ Якоже у́бо Ліеву низложі́л еси горды́ню,/ и на по́двиг дерзнове́нна сотвори́в Нѣстора,/ та́ко, свя́те Димі́трие,/ Христу́ Бо́гу моли́ся/ дарова́ти нам ве́лию ми́лость.

<далее см. основной Чин>

На хвалі́тех стихі́ры:

Сти́х: Сотвори́ти в них суд напíсан./ Сла́ва сія́ бу́дет всем преподо́бным Егó.

Прободѣ́н быв, борца́ твоими ко́пиями уязви́л еси/ и ме́ртва сотвори́л еси, и неде́йственна,/ его́же злóбы, Димитрие, нас избави,/ крѣ́пки на стра́сти му́чащия всегда содева́я священными твоими молитвами,/ Божественным страхом умиля́я серде́ца/ и ду́ши наша, свя́те.

Сти́х: Хвалі́те Бо́га во святы́х Егó,/ хвалі́те Егó во утвержде́нии си́лы Егó.

Реку́ ты, испо́лнену вод духовных, ве́дюще, свя́те,/ молим, истáявшия ду́ши наша страсте́й преступле́ньми/ милостию твоею мно́гою свяще́нно ороси́,/ и омы́й су́щия в скве́рне,/ и премно́гих избави бед и вѣчнаго мучения.

Сти́х: Хвалі́те Егó на си́лах Егó,/ хвалі́те Егó по мно́жеству вели́чества Егó.

Яко звезда́ светле́йшая, на земли показался еси,/ чудес сия́ньми подсолнечную просвещáеши всегда, Димитрие славне,/ мглы омраче́ния отгони́ молитвами твоими душ наших,/ и недúги исцели от любви совершающих твою память,/ сла́ва мучеников и похвала.

Сти́х: Хвалі́те Егó во гла́се тру́бнем,/ хвалі́те Егó во псалти́ри и гу́слех.

Прииди́, мучениче Христов, к нам,/ твоего требующим милостивнаго посеще́ния,/ и избави озло́бленны мучи́тельскими преще́нии и лютаго неистовства ерети́ческаго./ От нихже, яко плéнницы и на́зи, гони́ми есмы́,/ от места на место часто преходяще, и заблуждающе в верте́пех и гора́х./ Уще́дри убо, прехвальне, и даждь нам осла́бу,/ утоли бурю и угаси́, еже на ны, негодова́ние,/ Бога моля́, подающего миру велию милость.

Сти́х: Хвалі́те Егó в тимпа́не и ли́це,/ хвалі́те Егó во стру́нах и орга́не.

Стенá твёрдая нам,/ пленения вражия не убоявся, дан еси,/ варварская нашествия упражня и недуги утоляя,/ степень неразрушимый, и основание необоримое,/ и градодержец, населитель и поборник был еси твоему граду, Димитрие;/ егоже и ныне, всеблаженне, люте бедствующаго и обтяженна окаянне,/ твоими молитвами спаси,/ Христа моля, подающаго миру велию милость.

Стѹх: Хвалите Егѡ в кимвалех доброгласных, хвалите Егѡ в кимвалех восклицания./ Всякое дыханіе да хвалит Господа.

Всяку добродетель восприим, страсотерпческий лик явися,/ отонудуже нетленные и блаженные жизни наслаждение достойне наследова./ В немже досточудне украшаем, Димитрие,/ и подражанием Христовым почитаяся,/ и хваляся равенством копия,/ проси прилежнее/ нас, почитающих тя, избавити от страстей и лютых обстояний,/ тепле моля Подающаго миру велию милость.

Слава, глас 4: Копиями наследовавшаго Спасовых ребр благодать,/ прободенных копием,/ из нихже нам источает Спас жизни и нетления воды,/ Димитрия почтим, премудраго во учениих и венечника в мученицех,/ кровию скончавшаго страдания течение/ и чудесы просиявша всей вселенней,/ ревнителя Владычня и милостива нищелюбца,/ во многих и многаци бедех лютых фессалоняном предстателя./ егоже и летнюю память почитающе,/ славим Христа Бога,/ действующа его ради всем исцеления.

И ныне, Богородичен: <см. основной Чин>

Изменяемое №15

Кондак глас 2:

Кровей твоих струями, Димитрие,/ Церковь Бог обагри,/ давай тебе крепость непобедимую,/ и соблюдая град твой невредим:/ того бо еси утверждение.

<далее см. основной Чин>

На Литургии

Изменяемое №20

Прокимен, *глас 6*: Спаси, Господи, люди Твоя и благослови достояние Твое. *Стих*: К Тебе, Господи, воззову, Боже мой, да не премолчиши от мене.

И святого, *глас 7*: Возвеселится праведник о Господе и уповает на Него.

Изменяемое №21

Аллилуиа, *глас 4*: Боже, отринул ны еси, и низложил еси нас. *Стих*: Стрясл еси землю и смутил еси ю.

И святого, *глас 4*: Праведник, яко феникс, процветет и, яко кедр, иже в Ливане, умножится.